

Naammagittaalliuteqarnissamut ilitersuut– Politiit

SOOQ POLITIINUT NAAMMAGITTAALLIUSSAANGA?

Assigiinngitsunik pissuteqarlutit Politiinut naammagittaalliorsinnaavutit. Politiit inatsisit assigiinngitsut tunngavigalugit suliaqartarmata ataasiinnarmik naammagittaalliuteqarnissamut ilitersuuteqanngilaq. Naammagittaalliuteqarusukku Politiit saaffigisinnaajuaannarpatit.

Assigiinngitsorpassuartigut pisoqarneratigut politiinut naammagittaalliuteqarsinnaavutit;

- Unnerluutiginnikkaluarlutit suliaq politiit tigujuanngippassuk, politiit suliaq unitsiinnarpassuk imaluunniit suliaq pillugu akiumaataarpallaarpata.
- Politiit pissusilersuutaat naammaginngikkukku, assersuutigalugu politiip qanoq pissuseqarluni oqaluunnaatit imaluunniit pissusilersorfigineraatit imaluunniit innarluutit pissutigalugu paatsoorneqartutut immikkoortinneqartutulluunniit misigisimaguit. Politiit pissusiat pillugu naammagittaalliuteqarniaruit toqqaannartumik Den Uafhængige Politiklagemyndighed-imut nittartagaatigut naammagittaalliuteqarsinnaavutit. [Politiklagemyndighedimut naammagittaalliuteqarit unnerluutiginnillutilluunniit](#)

Naammagittaalliutit tamarmik Kalaallit Nunaanni Politiinut tunniunneqarsinnaajuaannarput, taakkulu ingerlateqqinnissaa isumagissavaat.

QAQUGUKKUT NAAMMAGITTAALLIORSINNAAVUNGA?

Piffissaliussat assigiinngillat apeqqutaalluni naammagittaalliutit sumut tunnganersoq suliarlu naammagittaalliutigisat suunersoq. Inummit allamit arlaatigut pineqarsimaguit, inuinnarmit politiiimilluunniit, naammagittaalliornissannut killigitaqanngilaq.

Pitsaanerpaavorli piaartumik naammagittaalliuteqarnissat, suliassiissutitut naammagittaalliutinullu tamanut tamanna atuuppoq, piffissarmi sivitsorpallaaraangat suliat paasiniaruminaassiartuinnartarmata.

QANOQ ILILLUNGA NAAMMAGITTAALLIUSSAANGA?

Naammagittaalliorniaruit najukkanni politeeqarfik atassuteqarfigissavat, politeerli politeeqarfilluunniit naammagittaalliutigiumasat atassuteqarfigerusunngikkukku politiit normuannut pingaarnermut attavigisinnaavatit imaluunniit e-mailikkut.

- Telefon: (+299) 701448
- E-mail: grl@politi.dk

Naammagittaalliuteqarninni paasissutissat tamakkernissaat eqqaamaniariuk, eqqaamaniagassaq pitsaasoq: naammagittaalliut kimut tunngava, susoqarpa, qanga taama pisoqarpa, qanoq aamma sooq.

NAAMMAGITTAALLIOREERUMA QANOQ ILIUSSAANGA?


Nalinginnaasumik akissuteqaatit sap.ak.1-2 ingerlanerini tunniunneqartarput, suliali ilaat sivisoorujussuarmik suliarineqarsinnaasarpur, naammagittaalliutip qanoq annertutiginera inatsimmullu sumut tunnganersoq apeqqutaalluni. Politiit iluini naammagittaalliuteqartarfiit assigiinngillat, Statsadvokati, Rigspolitiit aamma Den Uafhængige Politiklagemyndighed.

Qanoq pisoqarnerani Politiit naammagittaalliuutiginissaannut assersuut



Politiit atassuteqarfiginerini Inuk misigisimavoq immikkoortinneqarluni. Inuk oqalunniarnerminik ajornartorsiuteqarpoq, politiip paatsoorpaa suliarlu aallartinnagu Inuk-p saaffiginnissutaa unnerluussissutitut tigunginnamiuk. Politiit isumaqarput suliaasinagu, Inuk-lli oqaasii paasiniaqluaqqaanngilaat.

Inuk-p politiit oqaluuteqqikkusunngilai, aammali pissusii nuannarinagit. Inuk aalajangerpoq politiit pissusiler suutaat pillugit naammagittaalliuutiginiarlugit, naammagittaalliummik allagaqarpoq politeeqarfiullu mailianut nassiullugu.



Nuummi Politeeqarfiup Inuk-p naammagittaalliuutaa tiguaat Den Uafhængige Politiklagemyndighed-imullu ingerlateqqillugu. Suliaq Inuk-mut tunngasoq aallartippoq Den Uafhængige Politiklagemyndighed-illu Inuk tusarniaaffigaat misissuinerminnilu oqaaseqartillugu.

Den Uafhængige Politiklagemyndighed suliami aalajangiivoq, Inuk suliami taparserneqarpoq. Taassuma kinguneranik politeeqarfik pineqartoq uparuarneqarpoq, politiillu Inuk-p oqaloqatigisimasai uparuarneqarlutik.

Inuk-p saaffiginnissutaa suliariumannginnamikku kukkupput, Inuk-p innarluuteqarnera pissutaalluni isummat pigiliutiinnakkat pissutaallutik saaffiginnissutaa upperineqarsimanngilaq.

